



09410

敬業堂詩集卷二十四

海寧查

慎



寶雲集

戊寅四月

春來既以近游名集是夏復偕竹垞先生作閩南之行淵明所謂饑來驅我也往反五閱月共得詩若干首唱酬者居其半釐為三集曰寶雲者紀遊武彛也曰炎天水雪者取諸噉荔也而以垂橐終焉中間聯句數章竹垞已刻入曝書亭集茲不復刪義取各見存題目也

初發江干

江路羊腸迴江風羊角合

丘長春西遊記風初起如羊角者千百須臾合為一風可

敬業堂詩集卷三十四

一

證莊子羊角而上語漸近漁浦潭忽失六和塔

自漁浦挂席至富陽聯句

扁郎唱櫓雨初消

餘

突起東風送客船百里晴山低似

屋

竹垞一江新水健於潮

舟人謂江暴漲時海潮不得上

得携老伴無拘

東

竹垞縱是貧游未寂寥况有月波春甕在

竹隔船不

酒人招

又聯句一首

江山小船急浪衝

竹

疾若鷲鳥凌霜冬

竹

灣濼忽轉赤

亭岸

竹

俄頃不見南高峯

竹

鱗魚出網白尾尾

竹

烏柏

夾路青茸茸

竹

井西道人畫不得

竹

暖翠浮嵐如此濃

悔

和竹垞雨泊桐廬限腹字

灘聲遠初喧山色晚逾綠
宵宵城上鐘濛濛雨中屋
平生湖海夢又近嚴陵宿
濯足有烟波胡為加帝腹

和竹垞七里瀨限脚韵

老龜沒水風旋作合江亭
西石勢惡兩蛇對走赴一壑
雲端百丈挽山腰井底孤
篷轉山脚

瀧中吟

俗作龍亦作籠葉夢得避暑錄辨其謠云當作瀧閩江及今從之

瀧中亂峯高插天瀧中急水折復旋
瀧中竹樹青如烟白龍倒垂尾蜿蜒
洩雲歎霧為飛泉晴光一綫忽射穿
兩點白晝打客舩舩行無風七十里
一日看山柁樓底有風七里無風七
十里瀧中口號

敬業堂詩集卷三四

二

晚次汝步乘月抵蘭谿城下

飛盡漁灣白鷺鷥
吳師逆浪上灘遲
蘭溪城外數錢女
月出未收青酒旗

雨發東峰亭

昨日不料風今朝不料雨
生涯昧所向智不如商賈
聊為山水遊旅興時一鼓
東峰吾舊識嘉樹紛可數
中流乍回頭悵若辭地主
三衢渺何處去去信柔櫓

自此西行余遊未歷

水碓聯句四十韻

悔百灘趨漸江昏且鳴不息
竹大波恣奔放小波迴汨渚
其長走蛟蛇其廣納溝

減悔過防激之怒徑隘流轉亟竹夫豈水性然適來遭

勢偪悔于焉扼其吭壘石添檠杙竹椽茅架小屋度地

隨偃仄悔斷木為巨輪當衝立樞極竹旁安三十輻輳

輻輳斤墨悔龜繇交兩兆驚甲支九肋竹括張等虞機

璇運就圈則悔江心鏡欲躍海底月半蝕竹滅頂涸人

騰升陞壯士路悔尻高首或下後湧前忽匿竹團團牛

旋磨匝匹鴉翻翼悔棗軸貫中央有如著在劫竹循環

觸牙動揚者必先抑悔石白質本頑甘為杵所賊竹昂

然馬騰槽俛若鶴啄食悔砵砰應關揆次第符漏刻竹

擣紙十萬戕取禾三百億悔糠秕除未盡藤竹需孔棘

竹一為機事牽焉得休汝力悔先王昔制器取象配卦

敬業堂詩集卷三

三

德竹舟楫涉大川耒耜徂畛域悔養生務佃漁分壤別

動植竹隣歌答春相作苦爰稼穡悔俾習四體勤群黎

無懈忒竹後世技巧繁滯竒難忖測悔桔槔輓轅作便

利成典式竹紛紛鑿渾沌一一騁胸臆悔能令蠢者靈

通者忽以塞竹即此水碓論用意略可識悔居然役造

化安坐無怍色竹乃知天生民若苗之有莖悔夜來山

雨驟趨漲漫澤國竹沙崩岸漂沈有械施不得悔物成

久則毀茲理復何惑竹逸豫安可貪民勞宜率職悔

和竹翁衢州城下作

開府專征地孤城盜賊邊身常當矢石險豈恃山川劉

渙何知反睢陽竟得全白頭遺老在對客話當年甲寅

乙卯

之亂武定李文襄公鎮
此浙東西數郡獲全

篁步

去衢州二十
里地產柑橘

百折金川水東流下石門確床聲不斷炭塢氣長昏小
屋椽攔岸疎籬橘柚村荔支方入貢剩爾未移根

常山山行

常山小城如破驛細路多嵌彈丸石一乘竹轎役兩夫
雜選前行隨估客憐渠雇直止百錢為我赤脚頰兩肩
我今亦復被物役何暇悲人還自憐

和竹垞沙谿舖

山田早插綠秧齊小犢新生未架犁閒背村童浮水去
牛欄只在岸東西

敬業堂詩集卷三四

四

龔家渡夏文愍公墓道作

東市朝衣血西江野哭魂已無鄉社祭猶有墓門存亂
水荒阡斷悲風宰木昏鈴山籍官後得謚即君恩

自焦石塘抵鉛山河口兩岸石山獐劣上無寸
土草木不生作詩嘲之並邀竹垞先生同賦以
傳好事者

爾雅釋山名類族紛可數土山或戴石石山或戴土草
木別有無無者名曰岵挾筴事出游舊聞證新覩一山
一巨石突兀向江澚若被烈火焚禿鬣了無取于獸燂
其毛于鳥翦其羽于人為寡髮渾沌出太古無心腹腎
膈無耳目肱股大疣夔盜懸醜疾蘧條俯陳根何處托

沈泉不得吐正坐山無情遂令旁少輔樵人弛負擔匠
氏輟斤釜塊然天地間於世爾奚補

從河口陸行至鉛山縣三十里間山水清佳老
樟古桂不記其數皆千年以外樹也所至輒流
連其下自悔舟中誚頑石之作復賦此詩邀竹
垞再和

溪迴峰巒竒雲日互虧蔽兩邊盡古木曲徑入蒼翠行
人雜負戴偃憩隨所至如開步障陰下可萬間庇想當
生材初造物本無意榮枯非分定蒙養在托地我昨嘲
頑山無端坐好事目前不見睫幾欲一槩視向來身未
經鹵莽悔輕議譬諸覘他邦不仁在高位輒云彼無人

敬業堂詩集卷三四

五

賢者豈終棄作詩還自哂一解前言戲

鉛山城中有古樟三每歲四月白鷺來巢其間
伏雛乃去亦一異也

性底空城老樹梢鷺鷥引隊似蘆茭魚蝦飽噉無人問
生子看看占鵲巢

和竹垞雨晴

入門兩脚垂出門雲氣遯皇天本無私邂逅適我願

紫溪道中二首

去城漸遠漸青葱畫裏谿橋曲折通無有一村無好樹
歇涼人在小亭中

壘土層層勢就低石田如罨岸如梯清泉盡是秧針水

直到山根始作谿

度紫谿嶺

渡橋正亭午白日無匿景微茫紫翠間嶒嶸西南頂躋
攀力已殫仰視猶半嶺迴風轉輓驢汲我出深井茅菴
冠木末快若衣振領綠樹忽交陰蒼然失人影坐來殊
氣候濁暑驚清冷冷匆匆行役心佳處惜俄頃

觀造竹紙聯句五十韻

信州入建州篁竹冗於篠竹居人取作紙用穉不用老
悔 遑恤簫笛材緣坡一例倒竹東縛沈清淵殺青特存
縞 五行述相賊伐性力揉矯竹出諸鼎鑊中復受杵
白擣悔不辭身糜爛素質終自保竹汲井加汰淘盈箱

敬業堂詩集卷二四

六

費旋攬悔層層細簾揭焰焰活火熳竹舍粗乃得精去
濕忽就燥悔擘來風舒舒暴以日杲杲竹箬籠走南北
適用各言好悔緬維邃古初書契始倉皐竹自從史記
煩方策布豐鎬悔中經祖龍燔孰敢撲原燎竹漆簡及
章編殘灰跡同掃悔當時禍得脫賴爾生不早竹漢代
崇師儒家各一經抱悔截緝蒲柳姿刀削詎云巧竹如
何荆物智乃出寺人造悔麻頭魚網布棄物收豈少竹
後來逾爭竒新製越意表悔山苗割藤芟水滋采苔蔘
桑根斧以斯蠶繭機不絞悔澄心光緞鏡鏡面波晶
晶竹研宜金粉膏繪作龍鸞爪悔桃花注輕紅松花染
深縹竹鴉青蜜香色一一隨浣澡悔十樣益部箋萬苗

傳癖橐

竹

紛然輸館閣逖矣來海島

悔

要為日用需若

黍稷梁稻

竹

惜哉俗暴殄塗抹太草草

悔

俗詩鼃蝮鳴

俗書蛇蚓繞

竹

俗學調必俳俗文說多勦

悔

流傳人有

集刷印方未了

竹

積穢堆土苴餘殃毒黎棗

悔

或汚蝸

角涎或供蠹魚飽

竹

或為肉馬踏或被饑鼠齧

悔

糊窓

信兒童覆甌付翁媪

竹

遭逢幸不幸所繫豈纖杪

悔

平生嗜竒古卷帙事研討

竹秘笈藉爾抄籟金匪吾寶

悔

響榻湖籀斯斷碑拓洪趙

竹提携白刺史著錄庶可考

悔

由拳法失傳將樂槽苦小

竹

楚產肌理疎晉產膚澤

竹

槁物情相倍莛美惡心洞曉

竹

非無雲霞膩愛此霜

竹

雪皎小疊熨帖平捆載赴遠道

竹

預恐壓歸裝又滋

征權擾

悔

敬業堂詩集卷三十四

七

烏石村

修竹連山萬萬栽斬新換葉碧如苔特留老節非無用

歲歲生孫作紙材

村家造紙多取新竹故云

分水關

萬斛松風捲戍樓泉源同在此山頭忽教一塚巖墻劃不許東西更合流

崇安孔彞仲明府招飲縣齋池上分賦二首

南遊吾偶到北海席頻虛未敢輕修刺何當先下車客來童掃徑衙罷吏抄書欲識閒官味君看清獻渠

樹陰齋舫合荷氣板橋灣水檻晴初倚溪門夜不關

中無俗客管內有名山未到聞君說如遊九曲還彙仲
上極稱武
尼之勝

和竹垞幔亭

幔設曾孫宴歌傳鼓笛聲神仙如可學大抵屬多情

冲祐宮

一溪隨擢轉天半削兩峯萬年宮在兩峯趾古殿入門
三五重長廊白日氣幽邃蔭以楓桂樟柟松不知中有
路但見列岫四面排高墉不知下有谿但聞噌吰鞞鞳
相應如鼓鐘神仙高居道士俗三月四月忙於農苦言
茶味薄不足充上供客來正炎熱亟思澆此枯渴胸頭
網封裹度嶺去上品一呷露無從明朝試扣白雲洞洞

敬業堂壽集卷十四

八

口老僧逢不逢

武邑茶出僧製者
其價倍於道院

宿虞道士山房

晚涼新浴罷古觀有餘清一院松篁氣滿窓風雨聲擣
壑因藥曰暖酒就茶鐺預飭齋廚飯山遊望曉晴

和竹垞仙蛻巖

生前不煉紫金丹身後何須白玉棺已向虛巖委枯骨
癡兒尚掃漢家壇

虹橋板歌

板為崇安潘秀
才在東所贈

潘生贈我虹橋板云此購得從仙山幔亭宴罷橋忽斷
此木皮在萬仞之孱顏蒼鷹健鶻對對巢不得但見成
群接臂叫跳猿猴跚黃冠白足力難致聞出贖者相欺

謾有時晦冥晝風雨神物欲降天為慳前者偶經此巖
下巖前白浪吞船豚忽驚片板半空落有若胎禽隨毳
飛輕翾主人大咲童僕喜謂獲至寶非空還已令巧匠
刻為佩何異袖鞭使物駮妖姦知君好竒特分贈徑尺
未許酬千鍰我時聞斯語未敢相譏訕今晨入武圻好
事搜險艱生為指其處乃在一曲二曲三曲灣初疑棧
道上露出船尾彎復如鳥鼠穴竹箭亂插同榛菅神輪
鬼運義奚取徑路斷絕誰躋攀忽憶少年日南走五溪
窮百蠻蠻人寄命巖洞裏多構柴柵臨崢嶸今之所見
正此類亦如秦客避亂來其間不然颺輪雲馭本飛渡
豈有剗木留塵寰摩挲掌重是千歲物肌理駁蝕生香斑
携歸壓書儘有用何必新竒瓌詭驚愚頑

和竹垞小九曲石壁是唐許碣題詩處故名題

詩巖

附錄碣詩闕苑花前是醉鄉召翻王母紫霞觴群仙拍手嫌輕薄謫向人間作酒狂

石上三生事渺茫題詩重過苾芻房此中大好安茶竈
何苦人間作酒狂

和竹垞御茶園歌

宋茶貴建產上者北苑次壑源研膏京挺

南唐貢茶名

製一

變爭新鬪異凡幾番白龍之團青鳳髓輦載入洛重馬

奔武圻粟粒芽其初植未繁何人著錄始經進前有丁

謂後熊蕃君謨士人亦為此餘子碌碌安足論宣和以

來雖遁驛場未官設民不煩元人專利及瑣細高興父

子者寵恩大德三年歲己亥突於此地開茶園中連房
廊三十舍繚垣南北拓兩門先春次春徧采摘一火二
火長溫磨緘題歲額五千餅雞狗竄盡山邊村携來詐
馬筵和入潼酪供鯨吞豈知靈苗有真味石銚合煮青
松根爾來歷年已四百御園久廢名猶存筠籃四月走
商販茶戶幾姓傳兒孫我思鱸魚橘柚任土貢微物亦
可充天闈朝廷玉食自不乏何用置局灾黎元追思興
也實禍首幸保要領歸九原山靈曷不請於帝按女青
律管其魂傳語後來者毋以口腹媵至尊

仙掌峰瀑布

接笋仙掌峰入望初聯綿兩崖衍然豁一瀑垂蜿蜒不

敬業堂詩集卷十五

十

從仙翁指間出却穿左脅下赴六曲爲奔川行人衣沾
芒屨滑拄杖直上孤雲巔嶠嶇丘前石徑轉胡麻小澗
當橋邊尋源初自稻田發三里五里斷復連淺處生菖
蒲深處得種菱與蓮千年老蟾蜍爬沙亦頑仙仰天喻
其舌噴水一竅清而圓始知山前雷轟礮激千丈瀑布
水即是山背涓涓泉匏樽便向道人借我嬾欲住清涼
天

天遊觀萬峯亭

占地既已高尤難在扼要前臨殊陡絕旁睨轉孤峭群
雄奉一尊奔赴不待召來時記目擊歷歷本形肖羊群
呼可起

山羊

馬首回若掉

馬頭

象鼻垂彎環

象鼻 獅頭

仰軒越

獅子巖

鼓鐘應考戛

鼓子峰鐘模石

龍虎答吟嘯

臥龍潭虎嘯巖

兜鍪勇士冠

兜鍪峰

粧鏡神女照

粧鏡臺玉女峰

石笋瘦而長

接笋

蓮花娟且妙

蓮花峰

到亭悉殊狀變幻非意料初高後

反匿曩隱今忽跳投空翻白鴉削背掠蒼鷓烟生松外
村竹亞崦中廟清溪截羅帶已斷復縈繞澄泓鷗鷺池
中有一翁釣流觀飽創獲俯仰恣吟剽翻嗟神靈區僻
左落遠徼竒峰三十六名可配嵩少奈何杜韓輩足未
涉閩嶠山靈秘莫宣自古閉窻窅我來及新晴朗日相
照耀終疑雲霧窟滃渤尚埋竅幸賴此孤亭于焉躡翫
戲重遊果何時臨去屢回眺

坐竹簞入九曲聯句

敬業堂詩集卷三

十一

連峰六六收蒼霾

雨餘滑澆

碎石街

挈我栗杖樓

毛鞵

蘭湯渡口

上竹簞

篤工初指

一曲涯

姓名

幾輩爭磨崖

娉婷玉女峰最佳

野花簇髻松搖釵

當年武尺集神媧

歌絃鼓板

金管齧

高張雅奏

無滯哇

子禽小蛾定爾儕

群仙一散後

會垂

黃

心老木委蛻蘿

爾獨對鏡留形骸

千尋鐵障鎔頑

錯

大藏小藏

背換

山魃獨脚帝所差

洞門石

扇呀然闖

壑舟力負何劬勳

其中瑰木類積楷

又類羽鏃抽鞞鞞

水光泱泱聲泚泚

冥冥微徑不

可階

欲往金井迷鬼艾

深潭龍臥波滾滾

誰歟

釣者貪鮪鮓

茶園新芽出舊莖

僧籃道笈采摘皆

可惜不逢紅粉娃竹題詩古巖平不致悔精廬小於

負殼蝸悔豈若大隱屏之厓竹祠宇百世人模楷竹大

書照耀銀泥牌悔學達性天聖德諧竹屹然天柱高

歲暮悔勢如拱揖趨庭堦竹須臾路迴仙人掌悔神臯

下上車輶輦竹竹窠桃澗雜樹槐悔龜浮獺控形膠隍

竹白雲奔前雙眼揩悔俯視九曲滌青緇竹新村村落

尤可懷悔新苗活水通荆柴竹穀犬跳聒雞膠啣悔况

無蛇虎狼獠豺竹何時買地營茅齋悔畊糴漁弋與子

借竹

和竹垞建陽

考亭本是黃家墓侍御橋邊宅久空陳跡已消名姓外

敬業堂詩集卷三

七

好詩猶展畫圖中後來結構原因此佳處溪山遂屬公

欲買麻沙村畔屋餘年拚作蠹書蟲唐末侍御史黃子稜自洛陽寓居建

陽東觀山築亭以望其父之墓曰望考亭因以名里朱文公先志正取黃侍御之意後人專以考亭屬文公侍

御之名湮矣人過小橋頻指點全家都在畫圖間侍御

詩中句

樟灘

小縣晨發舩建溪展平綠前行三四里跳沫粗如鵠厥

名曰樟灘畜害自古酷假令勢下趨直瀉無迴躅石梁

伏水底未免防坎毒奈何三折形故作巴字曲湍奔方

有激石起陡被束一芥一針投中間不容粟兩旁剝刀

劍獐惡伺失足篙工善駕馭肯與怒機觸馴彼積豕牙

服我童牛牯終焉脫於險初若順所欲方悟不擾心可
以遠蹶促側聞前灘多恠石難悉錄吾生不有命恐懼
隨羸僕

雨中下黯淡灘

未到先愁出險難忽驚片葉落奔湍星流電轉目未瞬
一道白光飛過灘

延平晚泊

小雨冥濛劔浦西浮槎壓水女垣低人家多傍翠巖住
榕葉滿城山鷓啼

水口

雨餘忽飄雨數點山外更添山幾層六百里灘多過盡

敬業堂詩集卷十四

三

也如出峽到夸陵

小箬驛榕樹

古驛千年樹蟠根積水涯細筋堅作骨新葉嫩如花綠
處陰三畝枯邊畫一椹散材真自幸剪伐幾曾加

竹崎關

佛桑花根犬吠龍眼枝頭鳥鳴漸覺山平水遠郵籤報
近榕城

贈汪悔齋方伯

國家有異數畸人出當之巍巍宏博科鶴鳳集一池公
來承主眷初亦由文詞繼乃悉公才拔萃超常資我
朝拓遐陬南不盡島夷勿輕發介使大體存羈縻曠典

偶一修擇賢誠足毗公時膺特簡啣 命東南馳粘天
駕波濤帖首馴蛟螭平生抱忠信涉足無嶮巖肅將明
明威慎重瞻丰儀必若誕文教要令崇先師鰲背屹宮
墻作記刊諸碑餘事當潤色問俗陳風詩手持王會圖
歸獻白玉墀 至尊動顏色前席為頻移迄今奉使錄
燦若星日垂自茲益嚮用歷試無不宜試公以吏治出
領嵩洛伊政成多異蹟獨創非前規試公以藩甸宣來
仁且慈八閩百萬戶立起殘瘡瘻試公以大藩甸宣來
保釐民勞既已暨國計終無虧凡此十年中官塗自透
迤旁無汲引力皆受 特達知煌煌名書屏屢被褒美
辭行省尚見屈看人換旌麾賤子田間來於公少恩私

敬業堂詩集卷二十四

古

側聞道路口籍籍皆如斯當今梁棟材大器非公誰公
昔守洛陽舍弟久追隨猥蒙齒頰及佳句時或披堦前
尺寸地投謁獨恠遲男兒屬有願會合寧無期携我作
遠遊竹垞真好竒武旦昔未到昨始慰所思此來復識
公又得啖荔支何期寂寞遊三樂併一時篇終述已意
公幸勿見嗤

敬業堂詩集卷二十五

海寧 查慎行 悔餘

炎天水雪集

起戊寅五月盡六月

端陽前二日初食荔支戲寄德尹時弟在蘭州

二首

荔子初紅到福州絳囊欲擘已涎流阿頻來往如相避

咲擲閩南一度遊

弟於甲戌二月遊此四月還家未嘗啜荔也阿頻弟小名

方紅陳紫價爭高次第行將餽老饕直作衝炎吾得計

西遊終不羨蒲桃

魏文帝以蒲桃比荔支世詆其繆

西施舌

一名沙蛤

尤物佳名托依然住水鄉死難逃越網生只戀吳航

沙蛤

敬業堂詩集卷二十五

一

產吳航者佳

香螺

螺女江邊產形麗味特奇客廚貪一飽空殼付僧吹

梅聖

俞詩佛寺吹螺空唱嘍

蝓

閩大記一名蝓蟀

味美尤在螯一枚十錢買自從擘蝓蟀不憶分湖鱉

鱉魚

腹下有十二足雌雄常相負取之輒作雙

介屬魚其名雌雄同一束爬沙苦無力安用十二足

花蛤

入水化幾時登盤復充餽剗腸誰見憐文采却在

黃螺

藏尾露兩角肉黃漫多腥時於蝸殼中自負枵然形

珠蚶

珠蚶細已甚魚鱗鵝眼許海錯幸自多烹鮮乃及汝

食江瑤柱

河豚豈不佳中毒時有之須臾聊為性命忍當筵輟箸
甘被旁人嗤半生夢想江瑤柱客或誇示長朶頤南遊
無一事直為口腹寧非癡土人向我言情來非其時客
欲嘗此味請以冬為期清晨無端食指動腥風恠雨入
座紛離披天教尤物落吾手海市忽逐神鞭移常鱗凡
介盡辟易獨許上品當釜錡其形初如羊角合條若蟬
蝠兩翅張襪襪格高味厚少為貴中間甲柱孤撐撐滌

敬業堂詩集卷三五

二

以百沸湯逡巡發華滋鮮於金盤露潔比白玉脂食經
百六十五卷鳴薑點醬無不宜良庖庖兩兩割烹好
方法不用傳嚴龜隋大業中刻淮南王食經一百六十五卷唐人嚴龜有食法十卷退
之引類及章舉坡老比儼到荔支二公評騭竟誰是吾
方飽噉不暇措一辭

林草臣攜酒見過

草堂無定所亂後屬他人愛客老尤篤論交晚自親割
鮮兼眾味載酒過比隣一醉叨深眷翻憐地主貧

養蜂歌

逆旅主人貪養蜂木櫃中結房千重別開孔竅聽出入
高置簷宇虞奔衝頗同君臣儼有禮稍別種族如知宗

兩衙薨亮勤鼓翊四序擾擾無停蹤婦姑勃蹊或同室
子弟盛壯旋分封秦宮每向花底活韓憑大抵枝頭逢
苦兼黃連充藥使甘比稼穡成花農乾坤大哉類斯聚
形體眇爾性則兇天生是物本巖谷於世無競宜相容
自求辛螫誰作備乃至役物為人備儻居一椽在隘巷
偏側欲避愁無從明知倉卒非大害未免有意防針鋒
吾將縱女任所適解衣盤礴便疎慵主人一咲不見許
留待割蜜當嚴冬

汪學使棣園寄餉興化荔支

南越百株移遠植西川一騎走炎埃如何兩日楓亭路
也為先生置驛來

敬業堂詩集卷三五

三

林竹筠封翁招飲榕菴

山根沮洳濕蒼苔別業重新鑿石開但使周遭留竹樹
不妨次第補亭臺五經又課諸孫讀次公碧山以五一經擢第故云

榼頻携遠客來拍點舊時門逕改雙榕前歲拔風雷前門榕樹二株丙子七月為大風所拔

汪悔齋方伯署庭有荔支小暑後摘以見餉率

成十六韻

陰合重樓外枝垂曲檻東珊瑚推舊譜玳瑁占新叢畫
省初凝露薇垣迥得風繁星紛乍摘白雪沃俱融步障
絲褰紫宮衣袖卷紅品方瑤柱美東坡梅溪以江瑤柱比荔支肌愛
玉環豐只許輝銀印白樂天寄楊使君荔支詩對君銀印色相鮮何期餉竹

籠從來臭味合大抵餽貽通不是分甘好將母嚼蠟同
炎官方赫赫熱屬又蟲蟲解駁涼無汗醫蠲渴有功稍
宜親夏簟惟欠剝春葱長樂全勝畫郵亭尚憶楓長樂所產
名勝畫者可與興化之楓近應來郡縣遠不比瀘戎少陵
亭相匹皆名種晚熟者詩憶過瀘支戎摘荔枝旅橐終難致頂筐倘更蒙此遊專為口貪得
咲何窮

甘泉漢瓦歌為候官林同人賦

林生老立專門學金石遺文卷盈握曾經從宦走長安
斷碣殘碑蘚親剝昭陵蹟廢補亡闕磨石山高穿硤确
冰霜裂面虎豹嗥沙礫堆中拾完璞摩挲銅狄自何年
萬棟灰飛片瓦全為按黃圖考宮殿始知地是漢甘泉

敬業堂詩集卷十五

四

底平面正規而圓肖形似鏡還如錢其高半寸徑三寸
旁具輪郭中不穿土花蝕後文留識音志上有長生未央

字龍拏鳳攫結撰奇肉厚肌疎形體異與人作硯不中

用抱質如初無變置吁嗟乎楊南仲劉敞不作識者希時

俗誰能辨真偽巧多滋偽樸者真此瓦人間蓋無二豈

同水井香姜閣埏埴紛紛托疑似勸生勿更加礪磨本

色須教存古意生領此語索我詩我詩質直無媮辭請

煩拓致數十本徧乞羊何共和之或恐流傳落人口陶

甄又復成今手

張民瞻舍人趙二今孝廉同日餉荔枝

側生倒挂頰虬珠後先磊落致座隅空齋長夏失炎熱

中有仙妹冰雪膚太真飛燕兩媚嫵那辨徐家蔡家譜
新譜蔡君謨著甫田譜徐師閔著野人揣分已不廉一飽今朝煩二主
此生大嚼知幾回一日可少三百枚從茲便結荔支社
用東坡嶺南事日日西禪寺裏來

首
六月初六日同竹垞青壇過長慶寺啜荔支二

碧蘚埋唐碣紅雲擁寺門客嘗初揀樹僧引為開園甘
露充香飯清泉注瓦盆分沾徧僮僕猶自壓枝繁

蚶殼稍稍重星球箇箇圓生偏當遠嶠吾及遇豐年
云今年荔子最熟似為遠客設供邂逅三人話衰遲一飽緣勿嫌來較
僧

晚禽鳥讓爭先

敬業堂詩集卷五

五

與陳漳浦莘學話舊

誰憐香案吏遠謫到天南索米洵非易折腰良不甘山
租輸海貝市舶賤迦楠喜拜貧官惠輕風白葛含
時以廣葛

見贈

數日前作詩報悔齋方伯未有無厭之請蓋在
楓亭荔支也朝來果蒙分餉再成一律

四樹楓亭種曾經入貢餘人間應漸少名下果無虛絕
品慚供客兼程苦累渠色香全未減地主誼何如
驛庭只四

樹樹老半枯枝閩人宋比玉荔支詩也

龔運使榕溪招飲園亭

擲印歸家髮未蒼手栽梧竹闢池塘到來但覺綠陰好

坐久始知清晝長。客子解衣思避暑。主人投轄怕逃觴。不辭戶小拚沈醉。三伏世間無此涼。

飲陳集斯易石山莊

炎天塵滿街。襪襪何太苦。野人寡酬酢。一飯必擇主。陳生靜者流。邀我遊板塢。小樓城北面。豁達寄簷宇。漸入轉幽深。忽高迷步武。清泉閱巖竇。洄滴時復吐。碧眼貯渟泓。瀉爲荷芰渚。隔籬微辨徑。疊石不帶土。瘦竹走長鞭。淡花垂細乳。木桃正垂實。木桃似木瓜而有紋。上結一臍如小桃。錯落拍可數。中無一蟬嘶。上有獨鶴舞。孤亭出林表。七塔皆下俯。客來導攀躋。赤日方卓午。清涼徹山骨。快若新過雨。善病君得閒。息交吾獨取。何當把鑿柄。共治黃精圃。

敬業壽集卷五

六

六月十四夜喜雨

撲扇蚊蠅若不支。乍涼聊與睡相宜。一窻歸夢芭蕉雨。六月驚心蟋蟀詩。遠客交遊長寂寞。殊方節物極參差。明朝紅屐城西路。已是潮田穫稻時。

題讓竹亭修禊圖卷

何必山陰亦有亭。一時盛事又丹青。舊因洗竹開三徑。新爲栽花讓半庭。詩好儘容僧入社。客來總與鶴忘形。年年上巳風光在。長拍天南聚酒星。

送龔仲圭歸合肥

嗟余生苦晚前輩。目未識側聞長老言。蘊稽推厚德煌煌。煌端毅公古道手。扶植南宮昔校士。良窳就陶埴至性。

實憐才搜羅如不克謂宜餘澤在十世報猶食公子負
英才承家奉軌則于人非本意負米貧自力堂有白髮
親傷哉彼吧陟通門謁開府願望良易塞舊時桃李花
當路化荆棘交幾厄陳蔡歸及課畊織不污棗囊金正
復壯行色螺江水新漲帆影輕比翼一事足誇人來從

荔支國

薩天錫詩紅塵
香煖荔支國

仙遊茅筆歌

群山海上來絡繹趨九仙僊翁此山住示夢於幾先

九

祠祈夢
最靈

山中老樵枕石眠斧柯斷爛不記年夢中髻髯

遇神授筆花晝吐黃茅天覺來信手縛不律巧被筆工
偷妙術遂令九仙祠下三脊茅用與雞毛鼠須匹中書

敬業堂詩集卷三五

七

免冠頭不禿管蒯居然效微質幸渠一束價未高殿頭
簪珥非汝曹若教朱墨官盡取便恐仙山成不毛君不
見連山伐竹兔拔毫鐵梳膠綴何其勞穢史自執奸吏
捺直與此輩供錐刀老夫抄書拍生繭怕搨人間管城
管塗鴉結蚓隨爾為不要殘年護吾短

壽山石歌

周禮重璽節後來印章母乃同自從秦人刻玉稱國寶
此外雜用金銀銅鑄成往往上戴紐負鼎作力碑跣雄
橐駝羔鹿虎豹龍細者龜兔巨者貌與熊肖形寓像隨
所好繆篆法與蟲魚通漢時斗檢封下沿唐宋仍相蒙
神龍貞觀宣和中六印旁及金章宗當時御府收藏及

書畫首尾鈐識丹砂紅民間私記不知幾千萬楊有集

古印王厚之有復齋印譜姜夔有集古印譜趙子昂有印史集古誰能窮車

礫瑪瑙犀角及象齒苟適於用俱牢籠後來摹刻忽以

石其法創自王山農元未諸暨人王冕自稱煮石山農始用花乳石刻私印自元

歷明三百載巧匠到處搜碯鑿吾鄉青田舊坑凍價重

蒼壁兼黃琮福州壽山晚始著強藩力取如輸攻初聞

城北門日役萬指傭千工掘田田盡廢壽山石產田中者最佳鑿

山山為空崑岡火連三月烽玉石俱碎汙其宮况加官

長日檢括土產率以包苴充今之存者大洞蓋已少大洞

新產亞於田石別穿巖穴開芙蓉今所用者皆出芙蓉巖居人業此成石

戶斑白老叟携兒童采來製紐尚做古一一彫琢加磨

敬業堂詩集卷三五

龍我聞金石古稱壽茲山取義奚所從如何出寶還自

賊地脈將斷天無功山靈有知便合變頑礦庶與鴻濛

混沌相始終

以蜜漬生荔支戲成一律

蠟黃封蒂上方奩未入蜜時先融蠟封蒂兩月南中已屬厭筐篚

人情憐白曬椒罌方法愛紅鹽白曬紅鹽俱見君謨荔譜離枝便減

三分色入蜜懸知一味甜珍重老翁親手摘歸教兒女

得分沾

飲張民瞻齋

出牆藤蔓走龍蛇指點相過路不賒却喜隣居連北巷

每拈書籍問東家寓舍去張最近頻得借書故云涼生翠蓋亭邊雨風

落紅薇屋角花借取深杯還接燭不愁官鼓夜催搗是微雨竹垞先歸余及龔容溪兩人復留縱飲

高斯億為余畫竹以詩報之

畫竹原從草書出眼中孰是張芝筆高生善書久絕倫
餘技兼為竹寫真自言亦用狂草法頗覺游戲能通神
無諸城中少修竹客舍連旬苦炎毒賴君妙手補化工
為我一揮終十幅幅終擲筆風雨來野人踈爽心顏開
須臾雨止墨光濕潤入紙背生蒼苔老龍蛻骨瘦崛強
翠鳳掉尾紛毳毼雄氣大腕力壯盡掃篠蕩皆凡材
忽然幻作鐵鉤鎖江南李圭作竹自根及梢極小者一鉤勒成謂之鐵鉤鎖自云惟柳公權有此
世有誠懸應識我渭川千畝胸鬱蟠放縱精微筆法

敬業堂詩集卷五

九

無不可文湖州派繼者難後來獨推王孟端人間多畫

風中柳

東坡題文與可墨竹詩那將春蚓筆畫作風中柳

珍重蕭郎十五竿

斯億

墨竹甚自秘重故用蕭悅事為比

福州太守毀淫祠歌

愚眈致貧益有術祈福淫祠亦其一八閩風俗尤信巫
社鼠城狐就私暱巫言今年神降殃癘疫將作勢莫當
家家殺牛磔羊豕舉國奔走如風狂迎神送神解神怒
會掠金錢十萬戶旗旄夾道鹵簿馳官長行來不避路
忽聞下令燔妖廬居民聚族初睢盱青天白日鬼恠遁
向來祇奉寧非愚嗟嗟千年陋習牢相紐劈正須煩巨
靈手江南狄公永州柳此事今亡古亦偶獨不見福州

遲太守

題悔齋方伯小照二首

鯨喙鰲擲氣何如目送雲濤蕩碧虛
記得大羅天上事
解山難著白尚書

獨立蒼茫又一奇
長松恠石兩叅差
披圖聊識高人意
未是科頭曳履時

楊浴菴餞別於謀野莊

黃門門下無多士

楊爲先黃門伯禮闈所取士

三十年來盡罷官

白首荷君存古道
清樽留我話更闌
科名得路人餘幾
子弟能文事最難
別後倘逢潮信便
好從魚素報平安

垂橐集

起戊寅七月盡十二月

敬業堂詩集卷三五

十

舟發螺江林草臣張民瞻追送於洪山橋

小雨作秋涼
扁舟客將返
殷勤良友意
送我
不辭遠
洪塘十五里
短亭復長亭
可憐橋下水
臨別難爲聽
來時梅子黃
去時龍眼熟
新歡旋已散
後會恐未卜
勿謂嶺海遙
合并諒有由
所嗟迫衰賤
去住兩白頭

朝發竹崎順風晚抵水口驛

荔海南來得飽餐
此遊那更咲無端
歸帆偶得東風便
明日方知上水難

自此以上皆險灘矣

涼月一梳微帶暈
暗潮三尺忽平灘
炎方未必無清景
貪向船頭坐夜闌

初上灘

建溪之惡惡無比
狼石高低勢隨水
竹篙如鐵船似紙

曲折蜂窠犬牙裏南浦迢迢六百里大灘小灘從此始
黃河亦可濫觴耳不到水窮行不止

逆水逆風歌戲呈竹垞

逆水曠強弩逆風簸蠻旗澁灘怪石張領頤使我有筌
不敢拽有篙不能施但見北來船乘流挂席東南馳我
欲問天天不可問丈夫處世各有利鈍塞者自塞通自
通造化小兒游戲中解后兩相值我適遭其窮却咲竹
垞老與我同舟還遇風乃以我故兼累翁翁今涉世頗
知退坐狎雷霆如一噫我拍手翁和歌人生大都逆境
多順流豈遂無風波。

七月十五夜泊埂程

敬業堂詩集卷三五

十一

一村樹合煙初暝四面山高月未升隔岸聞鐘知有寺
滿川風浪放河燈。

折紙灘

去尤溪縣二十里

可憐尤溪灘險於太行山羊腸九折有路猶可攀折紙
一折乃在疾雷掣電中央間高下旣懸絕東西故彎環
上灘不易下更艱有生寄命脆如此揺手休輕過折紙

箭孔灘

銅牙發利矢未足喻其急小舟欲穿針孔入石梯倒行
三十級強弓寸寸彎不得羿殼不中嗟何及束手號天
天雨泣

茶陽灘

舟人口號云大水大粗小水
陽韻水落時茶陽最險也

大水大相小水茶陽巨川塞路如牛如羊叱之不動迺
是石波臣橫路千步岡當時大禹疏鑿不到此漸長牙
角勢莫當棄置九州外放流比投荒如今郡縣闢海外
尚於中道梗咽為民殃何人為剷除毋令與水爭強梁
石言吾何辜水性本易怒請君看取淮揚交正坐中流
無砥柱

盆灘

灘險寓盆名波瀾頗不小寄語踏浪兒如何狎池沼

兩後過南鴉口

暴漲添三丈朝來冒兩涯山深惟古戍岸轉忽人家苦

竹秋來笋紅薑雨後牙似聞靈鵲語報我過南鴉

朝來聞鵲

敬業堂詩集卷三五

三

聲延平以南所無也

建寧遇德州田子益以蜜漬荔枝分餉

兩月三山客歸裝但荔枝製來經我手開處朶君頤野
饋憐同好人情感過時平生甘苦分一味不曾私

飲甌寧陳明府陞來縣齋

京國三年別溪山半日留眼中逢地主意外繫歸舟對
酒寬相憶當歌感昔遊應憐舊同學臨老獨漂流

萬石灘

俗名阿彌陀佛灘中流有三石幢

物各以類從號石數有萬波流石自止於義特取良憶
昨經茲灘嶄巖爭自獻今看三石柱尋丈纔露寸一條
換骨龍掉尾秋更健遂巡溯流上淹滯得无悶揚帆過

須臾正賴長女吳舟人歸佛力剪紙酬夙愿老夫亦欣然滿酌不待勸

大小米灘

掀波成山石作底風平石出波瀾瀾秋天一碧雨新洗大灘小灘如撒米

牛頭牛尾灘

牛頭彎稜稜牛尾直挺挺牛腰沒水五里長牛角雙雙亞桅頂我聞灑瀨如馬戒舟杭爾牛曷不服爾箱又聞刻石作犀鎮水怪爾牛胡敢恣為害夜從甯戚飯朝就巢父飲或簑或笠或訛寢客過灘頭亦安枕

重過雙溪口懷武夸舊遊二首

敬業堂詩集卷十五

三

雲封霧冒失烟鬟縱棹曾從九曲還自覺秋來遊興嬾竟貪歸路不登山

颺飄笙鶴萬峰頭只許南來一度游不分此生難再到蓬萊風近且迴舟

迴龍渡

已窮三日程未盡西歐境晚煙投古渡歷歷見人影北際仙霞關東走括蒼嶺中間小聚落百舍同一井結屋深箬中開田萬松頂年豐米價賤市散村聲靜野戍依其旁孤燈光耿耿雖無荷爰役尚有擊櫓警殘月猶未生寥寥秋夜永勞生竟何事俯仰媿清景

龍牙灘

垂龍竊天符，喫霧南入海。無端蛻鱗甲，隋地幾千載。帝將馴擾之，不忍甚厥罪。已令化為石，本性終未改。欲遣水逆流，障川作峯嶁。河神勿聽命，蓄怒更百倍。森然磨其牙，昂首若有待。舟行一不戒，適採魚鱉饅。幸以險著名，設防亦每每。篙師出全力，遇此愈精采。滅頂世豈無，毋貽過時悔。

蓮花灘

潭潭積水中，沈石知多少。偶然一呈露，妍醜難自保。茲灘乃以蓮花稱，秀出溪面開層層。惜哉非所據，徒取見者憎。不見關中岳，蓮撐兩峰江。上九子名芙蓉，千年老鶴巢。雲松仙居縹緲築，臺殿復有詩。老來扶筇爾，今胡為不自拔。縱使媚好誰為容，漁翁溪女詎知賞。惟見蚌沫相噉嚼，石兮如有知。得地未必非遭逢。

鼠灘

五行紀異古垂戒，銜尾渡江占鼠恠。從來一穴可沈舟，為禍於人豈在大。張湯雖酷未盡除，我今方嫌漢網疎。致令此輩繁有徒，詭托黠狀生江湖。安得秦時鞭石法，駭使浮沈逐鵝鴨。太倉溷廁從渠偷，切莫飲水污清流。同學王令詒於庚午冬過嶺有南浦見寄絕句。

今日至浦城追憶前詩和此遙答時令詒宰黔之銅仁

平生怕讀江淹賦，南浦今來別恨同。此地故人曾憶我。

一官今落瘴烟中

綠波亭

愛山愛水成吾癖一咲艱辛亦飽經虎舌龍牙初脫險

二灘名又題詩上綠波亭

行經夢筆山下

詞賦成名只等閒寸心得失略相關詩人老去防才盡不敢輕嘲夢筆山。

發浦城晚宿漁梁嶺下

城北城南叫鷓鴣似言前路極崎嶇回思習坎真輕命頓覺升高是坦途戍壘防秋仍鼓角人家經亂久榛蕪殘燈影裏蕭蕭夕萬疊荒山客夢孤

敬業堂詩集卷三五

五

梨嶺廟前古松為火所焚作歌弔之

吾聞梨嶺廟前老松樹舊與嶺勢爭岿然此廟有興廢此松閱世不知凡幾朝亦不知其高幾萬丈直從山根拔起上蔽山之椒今來何聞寥竿籟不復聞簫韶可憐去年秋已作霹靂焦雷公斬斷青虬腰白鶴飛去誰能招豈無榭枏與竹柏坐覺滿山氣象入望成蕭條獨留古根深磗底神呵鬼護如靈苗茯苓歲久化琥珀居人德薄何敢以倖邀翻思十年前東南寇盜蜂擁潮山童石楮供爨樵汝於此時幸得脫賊兵不斫乃被野火燒天既賦良材使得干雲霄胡為灰劫隨僧寮長成艱難摧拉易自古在昔非今朝嗚呼自古在昔非今朝

度仙霞關題天雨菴壁

虎嘯猿啼萬壑哀。北風吹雨過山來。人從井底盤旋上。
嶺下有龍井天向關門豁達開。地險昔曾資劇賊。時平誰敢
說雄才。一茶好領閒僧意。知是芒屨到幾回。

峽口初入衢州界

矮屋荒村岸浮橋。亂水灣船初通峽。口路已入鄉關紅。
歛初沈日。青餘未了山。沙田秋熟早牛更比人閒。

雨中過江郎街二首

竒峰登五老。秀嶺度雙姑。昨度大小楊姑嶺好笑三郎石朝來
却避吾。

雨滴松杉徑。煙迷穉穉鄉。秋山行處好。何必識江郎。

敬業堂詩集卷五

六

曉晴發清湖鎮舟中望江郎山

碓牀石瀨響泠泠。愛入歸人舊耳聽。岸草綠痕移蟋蟀。
水花紅影帶蜻蜓。樵爭曉市秋初霽。風轉荒灣擢一停。
雲霧不遮南望眼。三峰回首偈天青。

雲尖渡即目

水鳥揷頭眠。近船忽群去。只有一條谿。前飛落何處。

雨夜宿王子穎龍游學署

先生六十髮將華。老去方憐始願奢。百里好山長繞郭。
一官閒地便移家。空堂對酒涼生幔。細雨移燈夜落花。
分爾歸裝無俗物。芙蓉巖石竹窠茶。

巖陵二絕句

巢由等是未稱臣自占箕山潁水濱誰遣州名屬流寓
却疑此地竟無人

信公門下實多才柴市餘生大可哀不是英雄誰有泪
更無一個哭西臺

夜發富陽曉至泥汊避潮小泊

浦口沙積岸潭頭雨壞橋客程兼昨夜鄉夢破今朝小
堰孤舟渡荒山八月樵風波歸更怕不賦廣陵潮

吼山

天開地坼石崢嶸一棹穿雲入甕城喚起清風答長嘯
滿山松栢盡雷鳴

偶遊蘭亭

敬業堂詩集卷十五

七

黃茅十里騎驢路中有南朝內史祠墨本尚傳修禊帖
紅牆新護御書碑浮橋過雨衝泥渡曲水平階疊石
爲一咲山陰付陳迹人間何事不兒嬉

語溪舟中與竹垞別

一條柳標一扁舟每過佳山約少留榕葉蕉陰消客夏
芡盤菱角到家秋粗償行脚平生債不爽歸期汗漫游
我有新詩同七發起翁微病待翁酬

時竹翁
方抱病

閩中垂橐而歸家人適告米盡口占二律

烏有歸來問子虛鄉園米價近何如雞爭野老場邊粟
鼠啣先生案上書閱世始憐貧是病占年空說衆維魚
荔枝飽噉吾知分此福從來有折除

半生顏狀忝風塵，檢點身謀悔亦頻。
辟穀有方宜拔宅，毀車無用是勞薪。
篋空咲貯加餐字，吾老羞為乞米人。
賓客不來僮僕散，免教鵝雁惱比隣。

昌黎詩隔
牆極鵝雁

戊寅除夕

手中著擲流光過

東坡詩流年已似手中著
余今年四十九矣

老境猶彎寸

寸弓鄉曲無醫憐，病婦米鹽何物累衰翁。

一家懸磬豐年後，萬事挑燈此夕中。

那不癡騃逐兒女，試看禿髮已還童。

敬業堂詩集卷二十五

敬業堂詩集卷三五

敬業堂詩集卷二十六

海寧查 慎行 悔餘

杖家集

起巳卯正月
盡十二月

歲已卯婦病沉繇為之料理醫藥入冬悼亡治喪
又踰月始計偕北上時余年五十矣豈意杖家之
日乃為妻杖期之日乎

四日立春

風從東來雲四散獻節重開月上澣田家占歲在新春
已過三朝不暇懶起除雞柵掃庭宇旋拆牛宮治町疇
去冬無雪土不膏蠶豆根拳麥苗短直憑今日占今年
喜動桑榆一村暖野夫杖藜亦蚤出走向橋西閒趁伴

敬業堂詩集卷二十六

一

偶逢鄰叟看春還云見城門懸 詔板鸞輿是月南巡
狩為念頻年淮泗滿宣房未築茭捷空畚鍤頃吏庸可
緩洪流渙渙水開後肯信吾鄉猶旱暵勿愁燠沐入春
無漢明帝永平四年詔冬無宿雪
春不燠沐注云無暄潤之氣 雨露行隨拂雲罕

山陰道中喜雨

謝家雙屐屐舊曾攜轉覺清游愛會稽白塢紅亭山向背
赤欄烏榜岼東西波光拂鏡羣鵝浴竹氣通煙一鳥啼
野老豈知身入畫滿田春雨自扶犁

曹娥廟

掠面飛蝙蝠當門印虎蹄我來尋古廟人為指新泥前
夕有虎 小市風掀瓦高江浪壑堤連宵巫覡喜殺盡一
入廟

村雞上前後里人賽社

上元前一日飲陶穎儒上虞縣齋

溪山漸入漸無窮短棹飄然又浙東載酒也應懷賀老
折腰母乃累陶公論交世路風塵外得句春帆雨雪中
是日大雪記取山城作元夕一燈曾為兩人紅

雪後從西興晚渡錢塘江

牛車沒轂水沙渾暗長春潮二尺痕萬竈鋪煙沉海戍
兩山銜雪束江疊船開渡口愁將晚月到圓時過上元
莫負承平好風景河塘燈火開黃昏宋時沙河塘燈火最盛東坡詩繁星塘開河

十七夜會城觀燈

敬業堂詩集卷二十六

二

委巷爭除道殘燈未拆棚所難惟物力最動是民情白
屋寒堆雪紅樓夜放晴俗貧官不諒簫鼓徧春城時萬乘
將南巡州縣承上官意比戶皆令張燈起自十三至十七夜照耀如白晝數十年僅見也

偶題

天闕竹藤緣底事偶因展卷一欵欵武成或取二三策
戰國漫誇短長書史記索隱云戰國策亦名短長書未到流傳成帝虎

不應磊落鄙蟲魚曾從顏氏看家訓何用和疑百卷餘
王應麟困學紀聞云和疑為文以多為富有集百餘卷自鏤板行於世識者多非之此顏之推所謂諗痴符也

題王松年流觴曲水圖二首

內史家風世不如流觴長記暮春初如今勝事傳來別

襖帖鐫碑換御書

紅墻新割老僧田，鑿石穿渠又五年。畢竟讓君圖畫好，茂林修竹近天然。

題鳴野叔跌坐圖

華髮蒼顏映白須，列仙真個是臞儒。一丘一壑誰能畫，留待長康自補圖。

叔工畫山水

春分前三日南湖舟中口占

節物今年異，春分尚有梅。畫船依音岬泊，高閣偏雲開。

水郭連旬雨，湖天昨夜雷。莫催桃李放，留待翠華來。

時間大駕已發京師

連雨不止，獨居小樓和陶雜詩十一首，但借其

韻，不擬其體也。

敬業堂詩集卷二十六

三

檐空有餘滴，窗暗無隙塵。几榻隨所設，頽然置我身。幸無俗客喧，聊與書卷親。溼薪蕪破竈，煙氣迷四鄰。明際陽和奈此晦，昧晨寧無好桃杏。寂莫傷遊人。

晚色時一晴，殘陽帶諸嶺。參差入我牖，出沒墮空景。夜雨旋復鳴，三更布衾冷。漫漫失清旦，未覺春晝永。起望海岬山依然，化雲影狂風卷平地。水勢怒欲騁，誰知倚樓人注目心逾靜。

杖藜雖鮮適幽事，亦易量盆蘭如佳人。含笑新出房瓦盆，列左右獨坐於中央。泠泠風露晨宛在，南山陽勿將明媚眼換此冰雪腸。

種樹待春風，花開人向老。媚人以華色，花亦難自保。泣

然靈潦中倉卒難就燥天工詎汝惜得氣翻悔早蜂蝶
兩不知芳心爲誰抱既開會有落茲理何足道

雙燕將來巢經營尚猶豫窺簷時下上入室互翔翥初
如擇所依終乃訖不去烏衣亦可托寧免漂搖慮舊年
堂上賓風雨今焉如浮塵寓天地孰者爲去任始知鵬
鷗遊未到逍遙處區區校大小叛道吾竊懼

雨來鳩喚愁雨止鵲聲喜咄哉二鳥微鳴噪強多事陰
晴及旱潦造物茫茫意偏勝豈必無時行偶相值但看
雲鬢鬢忽散飈如駛馳思亦何爲燥濕隨空置

我窮不有命生理乃見迫遂令多牛翁傲人以阡陌盎
無五斗陳甕有十月白薰然壹醉富未覺真鄉窄連宵

敬業堂詩集卷二十六

四

風雨聲夢破江湖客浮家猶見累何計成拔宅

老夫不任畊病婦兼廢桑本務既兩失衣單食糝糠莽
蒼無所之况需三月糗連陰欲何詣却立希朝陽低頭
爾室中跼踏敢自傷寸田富梨棗辟穀何奇方仙人去
我遙再拜酌一觴

人情動如潮洶洶非一端三農赴力役百賈逐貿遷因
之情游民狂走成癡顛 至尊軫疾苦玉食方風餐肯
以供億繁而爲奸吏緣柔能暨遠邇義在大雅篇

異端好大言談天率無稽欺人盡聾瞶自位高崑崖使
讀聖賢書未必副所懷背馳去千里詎易相逢彌合之
則兩傷不如聽其漓吾道譬暉曜潛見示角羈積陰等

薄蝕暫蔽焉能虧

海角已窮僻村中更蒼涼春流渾渾來欲濟川無梁舊
來豆麥隴半作鼃黽鄉甘澤苟非時殺菽同殞霜詩成
感蔚薈惡草日夜長

春分後大雪和陶連雨獨飲韻

物情向暄潤天道殊不然却收花柳姿都付冰雪間老
梅閱世久崛強如頑仙瘦竹亦舊栽影障池南天朝來
悉被壑天闕無後先初疑冬太暖倚伏理必還豈獨一
黃楊百厄同閏年聞者或不察吾詩若響言

西湖權歌詞十首

栽松城石號花園亭剪樓毛竹織樊貪者 御舟新樣

敬業堂詩集卷二十六

五

子遊人多出湧金門御舟以樓毛爲亭中植松竹名花園船

湖面平添積雨餘放生池外葑初除誰司水族加恩簿
開過桃花未打魚

曼衍魚龍百戲張蜃樓幻出水中中央船頭風引三山近
方丈蓬萊望渺茫時禁游人不得登湖心亭

滇茶紅染鶴頭殷畫檻朱欄點綴間何限兩堤花柳色
却收小景上盆山亭臺到處羅列盆景寶珠山茶尤多

草色纔青柳未齊石函橋北斷橋西琉璃一片樓臺影
過盡笙歌十里隄

鑿開混沌著丹青落石猶疑處士星白鶴不歸梅樹老

鷺鷥飛上 御書亭

萬葉千花綴彩棚
火蓮龜背吐層層
不知白日長多少
又點湖心照夜燈

漁家小女髮如油
新向湖干學盪舟
也道城中粧束好
碧波回眼看梳頭

蜂喧蝶鬧奈春何
拂面風香過綺羅
此意少年應未會
第三橋畔落花多

弄潮天氣中秋後
競渡風光午日前
併與西湖作寒食
人生行樂趁今年

愷功侍讀扈從至杭喜成二律

夢想清遊十載餘
此來兼得侍鑾輿
一厨自展將軍

畫三篋行隨秘監書
不少吟聯傳館閣
愷功與陳乾齋南來唱和成卷

敬業堂詩集卷二十六

六

可無長策佐河渠
自從南涉江淮後
司馬文章世不如
扈從風流別一家
得官畢竟要清華
曾衝漠北多番雪
及看江南兩月花
春服幾人還戲彩
時隨相國偕行
寺門無絆不籠紗
留君暫作湖山住
計日頭綱待賜茶

南巡歌八章

吾君盛德邁唐堯
河伯波臣詎敢驕
一道長虹東跨海
不煩鞭石更成橋

沉玉蹇菱事已賒
十年泛泛使臣查
此行直為河渠出
望祀虛傳萬里沙

六龍南下宿遷城
三月桃花浪已平
多少詞臣爭獻頌
黃河應為聖人清

淮泗東南盡海邦家家羊酒壓豐杠綠牌曉奏知名姓
特慰輿情一渡江

盡除鹵簿撤朝班耆老來迎 御舫還為話道旁經眼

見 天顏有喜侍 慈顏

德音一日徧江湖百万重聞貸宿逋洒道清塵皆雨露

不因水旱始蠲租

行過山鄉又水鄉豆花褪後麥苗長 翠華小駐非無

意要使宮人識采桑

岳牧頻煩事屢詢 屬車偶動為勤民從今便引虞書

劍直望 君王歲一巡

眼鏡

敬業堂詩集卷二十六

七

巧製海西傳能爭造化權隙光分日月宿障掃雲煙頓
覺生虛白猶堪續草玄一編聊炳燭兀兀慰衰年

查浦書屋圖為德尹題四首

兩磚斜日過墻遲課罷頻看桂影移此樹年來生意盡

可堪頭白話兒時聽事東偏小齋余與弟幼時讀書處也庭有老桂一本每視樹影上墻為

放學之候令桂已為薪矣

生子還同邵伯溫弟年四十五生子故借邵堯夫事 見爺時節恰能言

挽頰問事休輕嚇直為憐渠合杜門

五十年來老弟兄暫歸也復可憐生一燈不作音江湖

夢好片對床風雨聲

藏書不過五千卷築屋只消八九楹先被畊煙偷畫藁

圖爲王石谷所寫石
谷自署畊煙散人

問君書屋幾時成

留筍

好筍如人意新梢補舊林汝長應計日吾老望成陰不

礙疎籬破能令曲徑深咸韶如到耳風雨助清音

竹兼
風雨

似咸韶黃
伐檀句

五十生日德尹次二蘇兄弟生日唱和詩爲壽

次答二首

百年突過半千慮鮮得一無聞世或疑衰賤天所隲安
心雖漸退始願竟莫必鐘鼓委盲聾王寶炫名實窮爲
東野鳴拙被南宮黜那將桑榆晚坐待婚嫁畢人言庚
寅降賦命例不吉吉祥在止止虛白生爾室結習顧未

敬業堂詩集卷二十六

八

忘時猶弄詩筆可傳或有在老境知幾日

蹉跎向遲暮孤露追本始自我稱鮮民餅壘久抱恥有
親養不逮具體痛瘡痕忍復把一觴蜺顏對兒子稍欣
老兄弟兩杖交頭倚分飛二十年意料不及此驕榮落
霜葉浮慮淨槩几庶幾共殘年服食勝菊杞

池上看雨

五月蓮未華團團葉如扇亭亭不自匿一一出池面細
雨聽無聲初於葉上見綠盤擊不定的樂珠光旋流永
忽一傾倒垂三尺練萍開魚影聚萍合魚影散即事偶
成詩悠然觀物變

建蘭已萎盆中稗草叢生

誰云造物好栽培膏澤多教長不才此理年來看爛熟
建蘭盆上稗花開

梅雨初晴

沮洳下溼生蒼苔三旬苦雨經黃梅水田萬蛤夜羣吠
林巷一蟬晴忽來晒書亭前日淡淡打麥場上風颯颯
鄰家作苦一相勞耘鼓正報槐花開

海塘行

邑城去海十步遙塘爲外捍非一朝去年八月塘忽壞
洲潭崩裂隨秋潮邇來沙漲三十里魚鱉殘生差可喜
縣官欲爲先事防倡議重修從此始人輸一石名樂輸
石今無脛何可驅編排既湏照戶籍運致仍復煩丁夫

敬業堂詩集卷二十六

九

里符夜下朝必赴田卒污萊敢申訴築塘捍海亦爲民
此事不勞官長怒公旬三日古有之向蠲力役誰所爲
吾邑戶口十萬丁丑冬縣令王某
忽盡除丁糧每田十畝代納一丁人情已自逐游惰亦
與三農同怨咨火雲燒空日光赤盡遣山田龜兆拆陽
侯勸爾莫漫驕緩我塘工待農隙

暑夜

滿庭荇藻疑浮空樓陰乃在樹影中繁星沸天月將落
銀漢中亘垂天虹夜深人靜氣一歛坐覺襟袖來微風
波紋搖窗簾脈脈煙氣隔幃紗濛濛暑徂涼近誰最警
露草已報吟秋蟲

餅中紅白蓮花

紅蓮頰如霞白蓮淡如雪兩皆以色故幻相紛羅列或
云色即空紅白本無別或云空即是紅要非白入我
止觀中萬象隨起滅一瓶井華水眼界琉璃徹空花久
已除此色爲誰設

秋旱四十韻

槁壤黃塵外明霞杲日西直防金被鑠頗怪火猶稽箕
畢占曾驗陰陽數不齊雄雷張旱氣師曠占云雷始起其霹靂者所謂雄

雷旱氣也雌霓散朝隤一物關災青羣情固慘悽潤希蛛網

露乾裂梁泥蚯蚓潛深穴蛟龍困老隄蝸涎粘壁死
鷺脚插巢棲舌燥呼羣鴨沙軟振羽雞魚噍貪涸轍牛
喘失涔蹄萍塊膠連蚌苔痕兆拆蟻涉波無白獮聒耳

敬業堂詩集卷二十六

十

厭青蜚古栢俄成杌衰楊那復稊瘦針撐棘枳柔木偃

棹榭蕉碎離披卷桐攣小弱圭宮槐當晝聶爾雅守宮槐葉晝聶

夜岸焚舉叢低乾曠悲荒蔚爭先任蕪藜埤雅蕪藜旱草也歲欲早

早草竹身焚忽爆花面炙多薰是水湯同沸無岡石不

鷲爲時宜長養有力故排擠壞葉頻辭樹良苗半萎哇

村村拋襁褓户户挂耒犂瓶卧空依井橋長尚跨谿蝗

來疑布陣螢照儼然犀東海行枯矣南山望蔚兮更誰

施補救不過禁屠刳巫覡終難信童謡豈有倪吁嗟聽

藐藐爾雅注雩之祭舞者吁嗟而請雨瞻印目睽睽客或歌雲漢吾方

賦病梨相煎何太迫欲避奈無蹊烈燄融爐炭焦煙著

竈炷衫絺同挾纊懲熱到吹蠶不擬開三徑因思接九

梯後漢東夷傳挹婁國土俗極寒穴居以深爲貴大家至接九梯窮於入角鼠窘甚觸藩羝晨課書渾廢宵眠枕罷攜蠅聲俄已集蚊翼詎勝批瘡土天難問勞生計總逃但聞風發發幾見滄萋萋作苦隨鄰父沉緜奈老妻更愁兒索飯早晚傍門啼

印事

老夫畏暑如酷吏逃入鄰園樹影中貪趁槐陰成久坐歸來衣上帶青蟲

大雨二十韻

時雨何妨驟秋陰不在多民情方缺望天意一滂沱卷幔聲初到傾盆勢已俄隙光飛礮礮萬籟入礮磨地濶雷全動風驍電突過水綃龍挂練壘繭鳳投梭急點齊

敬業堂詩集卷二十六

士

穿屋橫流倒瀉河搜林駢虎兇劈岬徒蛟鼉早魃駢頭溺天吳拔尾拖崑崙囚甫創蝮螭指非訛轉眼陰晴判宐人燥溼和不關居塏塏乍喜去煩苛野氣通籬落斜陽在薜蘿板橋閒倚杖茅舍亂堆蓑曖曖連村樹油油被隴禾遠煙微映竹新瀾半畝荷菱角紅將采雞頭白可搓蟬涼猶抱葉魚樂自跳波大有豐年象初聞野老歌詩成無好語改罷亦長哦

打魚歌

秋池瀾瀾瀏且平吾師撒網初無聲綠玻璃碎鏡光裂一尾撥刺千頭驚蛙跳蝦擲鰭鮓亂似欲去此舉族行豈知縱舍固有道竭澤之利吾忍爭老魚勢屈適就烹

死非其罪如韓彭弱魚力小如孩嬰分無倖理乃放生
本來於汝何厚薄恩怨不入須忘情可憐韓子不知足
一飽欲鱸東溟鯨終當不殺賦淨業梁武帝淨業賦見淨業之可愛與不
殺而母以口腹戕生成爲因

曉過南湖

卧看西南落月圓起來晴色滿湖煙孤城傍水開門早
一鷺如人道我前菰葉曉沉風外岸菱花秋淡影中天
何當穩與漁翁約長守蘆根舊釣船時計偕北上

峒悟題辭

小驛三家市西京百里侯漢書地理志有司吾侯國即此河聲下淮甸

山路入沂州瘠地人多儉殘年客善愁南飛有孤雁急

敬業堂詩集卷二十六

三

急復奚求

喜遇同年汪東山與聯轡北上

京洛三年別升沉分已殊如何偏殘臘復此共長途東山

丁丑成進士今赴明年殿試故態狂猶在名心老漸無夜寒君不飲

吾醉好相扶

除夜平原旅舍夢亡妻

分明入夢又曹騰昨歲今朝病正增倦枕爲余猶強起
殘樽到手已難勝圍爐欵火兒烹藥薄雪鈎簾婢上燈
誰遣荒雞忽驚覺北風茅店冷於冰

敬業堂詩集卷二十七

海寧查慎行 悔餘

過夏集 盡庚辰一年

三上南宮今復報罷家編修兄留余下榻暫緩歸
期唐時舉子落第者六月後不出謂之過夏故以
名集而秋冬道路之作并附錄焉

三月三日同園修禊分韻得養字 主人為胡循齋觀察

東風如故人隨我杖藜往紛紜閱花市過眼多塵埃小
憇得同園初欣天氣朗主人天下士愛客致羅網及聞
謁未入命僕駕先枉爛熳呼朋儕殷勤話疇曩一官棄
唾涕万事付豪爽大阮亦勝流投閒攜几杖 謂令叔 藥

敬業堂詩集卷二十七

一

欄桃李徑拱把手培養先開委空枝密布無隙壤可憐
芙蓉杏作態媚幽賞那知白髮翁分絕探花想八年三
見黜得失同反掌當筵猶瑁璫所見胡不廣此生竿木
場著屐知幾兩作詩記陳迹即景成俯仰 元方輿勝覽 大興府海雲
寺有千葉杏二株名芙蓉杏張叔夏見之為填三妹媚詞園中有此花故云

題宋山言學詩圖二首

宗武學能傳杜老小坡才可繼眉山添他一卷中州集
知已無如父子間

從今不信廬陵語窮乃工詩豈定評看取風流宋公子
才名已占又科名

白丁香次韻三首

絕代人宜空谷幽幽香愛傍玉搔頭憑誰為解梢梢結
減我東欄向夕愁昌谷詩亂結丁香梢滿欄花向夕義山詩芭蕉不展丁香結同向春風各

滿城風雨滿天風滿地狂花只取紅獨向枝頭賞冰雪
莫欺老眼太朦朧

粉墨何當點作圖畫家真色自應殊依稀寒食梨花榭
月底看來澹欲無

愷功侍讀宣德紙走筆謝之二首

小印分明宣德年南唐西蜀價爭傳儂家自愛陳清欵
不取金花五色牋宣德貢牋有宣德五年造素馨紙印又有五色粉牋金花五色牋五色大

敬業堂詩集卷二十七

二

九万山陰何敢望澄心百幅亦應難從今稍變歐梅例
一首詩須博一番歐陽以澄心紙百幅遺梅聖俞聖俞有詩故東坡有詩老囊空不一留百

戲題陳叔毅桃葉渡江圖小照二首

三生一夢坐多情謫向江湖是酒星桃葉桃根雙姊妹
可堪隨汝作浮萍

詞賦江關漸白頭倩人扶上木蘭舟殷勤聽唱公無渡
不為風波也合休

再次家荊州兄咏白丁香韻二首

誰教巧手作瓊英四出真從六出爭一夜花光如積雪
誤他啼鳥報天明

賈得初從廟市回，朱朱白白費疑猜。
只憑狡獪花兒匠，偷取唐昌玉蕊來。

上已後五日再過同園看花賦贈胡翔菴四首

結鄰真喜近斜街，步履尋春又一回。
五日重來光景換，早花零落晚花開。

山桃含笑海棠妍，素奈香清亦可憐。
小雨乍晴晴又雨，今年天是養花天。

不用枝頭挂小鈴，一羣嬌鳥避楸枰。
綠陰滿地花光合，晝靜時聞落子聲。

閱盡穠華到晚春，客中吾是最閒身。
却愁有酒無錢買，長累貧官作主人。

敬業堂詩集卷二十七

三

湯西厓編修寓庭丁香花下作三首

空庭三株樹，手植知何人。
自我見此花，已閱十五春。
居停幾易主，索醉不記巡。
今來枝逾繁，出屋垂繽紛。
花豈知我老，我衰暗傷神。
稍欣舊交在白頭，尚如新。

自昔有土牆，界庭分背向。
何年始撤去，樹勢乃張王。
花氣下迴廊，葉陰通步障。
旁添一堆石，小作攀躋狀。
遂令賞花人，高出万花上。

主人舊善病，客子新下第。
邂逅好花前，流連詎失計。
天公亦解事，雲日薄虧蔽。
移床坐清陰，落蕊時墜髻。
無酒不我酌，拔釵向誰泣。
前言戲之耳，一笑聊破涕。

是日不設飲而

余與西厓俱喪偶故及之

題同年汪東山南浦送行圖時余下第將歸

踏歌相送感汪倫
潭水桃花記此春
指點舊年風雪路
轉憐我是獨歸人

去冬與東山相遇司
吾道中聯騎北上

偕荊州兄過一莖庵飲香林亭下次韻四首

淺草曲徑通林深
小亭伏春遊太雜
香摧折到花竹居
僧典守疎鳥雀不
勝逐人間逆旅客
憔悴無如僕約伴
來何遲悵焉空寓
目庶將酒一斗散
此愁千斛借問賞
殘紅何如對新綠

亭臺雖無多托致
取澹漠尚書別業
改

舊為合肥宗伯公所葺

香

火付蘭若想當經
營初手自種花藥
不知幾賓客來此
共酬酢前塵墮空
虛餘景就頽落向
人如有訴俯仰憐

敬業堂詩集卷二十七

四

病鶴

昔與竹垞翁來遊
杖屨策花時不暇
懶醉屢脫幘夕陽
到牆西樹影相枕
籍我時齒尚壯詩
酒越繩尺飲罷興
尤狂篇終疵互摘
而今坐頽廢好友
孰稱益賴有白髮
兄依依尚相惜追
陪恐無幾出處途
已晝

詩社幸見收名場
應見斥魚熊古難
兼較若辨黑白細
思百年內倏忽駒
過隙蟻封看擾擾
蟲語聽嘖嘖不如
兩相忘舉殘酌花
魄退之言可廢此
日胡足惜

再過西厓同元朗無功文字作

宿雨曉初霽不知
春淺深落盡枝上
花為君留綠陰竹
廊靜脉脉葉幌虛
沉沉此中有幽致
何處來鳴禽

無功索題兼葭書屋圖用東坡寄傲軒韻

長髯作蝟磔短髻未鶯禿如何葭葦場結此數間屋看
君用意殊瀟洒取遠俗浮名一雞肋小挫詎云辱夜枕
夢江湖晨餐辭輦轂升沉卜諸內奚待再三瀆本非山
澤臞肥遯在上六平生讀書意貪得肯知足傳家十萬
籤直以腹笥蓄歸時展圖畫秋水堪釀綠荒灣一色蘆
老圃百年木相尋知有處把卷吾已熟

題錢朝采設色花

眼見春歸可奈何一枝花葉自婀娜問他没骨圖成後
破費胭脂得幾多

廉讓寓齋送春分韻得有字

敬業堂詩集卷二十七

五

小時逢春愛花柳逐伴年年開笑口年來年去春復春
不料侵尋成老醜來如東門遇游女去若河橋別良友
明知邂逅兩無端未免依違悵分手鏡中鬢髮白髮長
上聲門外袞袞紅塵走曹生也是不羈徒為餞春歸召濟
偶朱櫻紫筍憶鄉味欲致僧厨無一有失路隨余學放
顛得錢賴爾能沽酒有情相對且沈醉万事蒼茫一回
首

與朱悔人京口一別十二年矣今春相見京師

讀其遊匡廬武當兩集喜而有作

丁卯橋西蒜山畔江聲怒走風帆戰兩萍一散十二秋
流落燕中復相見不怪年光逐飛電不怪青袍尚貧賤

怪君領下鬢鬚鬢點漆黥烏經百煉開箱示我兩卷詩
元氣入筆何淋漓始知巢父有仙骨豈比岑參空好奇
吾今老矣百事錯局促人間何處著髯兮肯賦歸去來
隨汝名山辦芒屨

同朱悔人劉大山魏禹平錢亮功馮文子方靈

臯吳山崙汪武曹諸子飲徐尚書碧山堂花下

分韻得曹字

謝公別墅近城濠載酒曾陪飲興豪不料故人還客此
猶能折柬致吾曹商量未定將歸燕時南宮報罷諸子將次第南歸搖
落何堪舊種桃併墮平生知已淚廿年塵土一青袍

同悔人禹平雪坪崑繩文子武曹亮功集黃岡

敬業堂詩集卷二十七

六

王副相書齋雪坪有詩余繼和

三十年來培護深堦除手植盡成陰可知今日憐才意
即是當時種樹心天近城南多雨露人從畫裏指山林
一春兩度陪公飲自愛婆娑入醉吟

三月晦日李寅谷招同人怡園雅集分韻得登

字

帝城逐人事節物有廢興晦日尋李封吾追杜少陵象
賤衆所棄誰如几可憑惟有貧時交不作炭與冰與君
生同歲稍長以兄稱君弟令弟若華余同年友也即余弟鄉書昨
同徵麗正聊儻居暮景失飛騰君故得名早顏謝何足
較七齡書擘窠前輩久服膺舉場三十載調宜鯤化鵬

到今困韁鎖，屈首似我能。相國宛平公，憐才異孫弘。六館致一士，翕然聲價增。由來天下賢，難以徽墨繩。名園卧榻側，興到便許乘。花時速朋曹，欄檻俯對凭。葱蔥万井煙，高標見觚稜。水光與樹色，到眼皆鮮澄。遂令塵土胸，振步疑飛昇。欲去屢回顧，恍然夢遊曾。西鄰張司業，謂寄亭豪氣如陳登。夜來致吾徒，酒器雜斗升。我飲僅小戶，當筵醉曹曹。依稀稀人影，外籬落移疎。燈明知病醒，餘前悔後莫懲。且復盡今日，此歡恐難仍。

方拱樞徐學人招集竹林僧房用昌黎短燈檠歌韻各賦一首

青天不如歸路長，白日不如燈燭光。清談為洗煩惱毒，

敬業堂詩集卷二十七

七

快比灌頂醍醐涼，城西古寺竹林側。濃陰正落鄰僧床，我今已是無家客。芒鞋一雙輕策策，故人也復念窮途。招向此間浮大白，不辭醉倒花滿前。我醉欲借精藍眠，醉中得詩尤縱恣。夢入仙山吸空翠，長安齷齪胡可居。直戀知交未能棄。

吳西齋農部次前韻見貽結語云有才如此長淪棄再疊韻答之

一年暮景晷綫長，一日暮景桑榆光。曷不收身及未死，

打鐘掃地居清涼。李義山云平居忽忽不樂，尅意事人。佛方願打鐘掃地為清涼山行者人。

生去住各有志，異夢何必非同床。兒童候門望歸客，已

報騎驢橫短策。那堪寄食猶淹留，看過銅街柳花白。新

詩忽來慰眼前平沙草色荒千眠我坐無才翻自恣貧
女何當飾珠翠感君置我盧楊間世與君平方互棄

三疊前韻劉若千侍御

邊父躄父兼三長十年視草同明光次公淮海特簡出
不比請郡來西涼

令弟海觀去冬由編修簡任揚州太守

先生冰銜又繼

改行且眊筆登南床寄言鳳皇池上客万事何曾由預
策股肱耳目皆帝臣亦欲乘時少建白丈夫不退須當
前誰能蠢蠢如蠶眠渥注之產本奇恣孔雀回頭失金
翠眼中袞袞見諸公不礙江湖有淪棄

四疊前韻答錢亮功

野鳧頸短鶴頸長鴝鵒晝暗螢夜光尺蠖自伸龍自蟄

敬業堂詩集卷二十七

八

火鼠自熱涼蟬涼狐狸跳梁蝨緣袴觸蠻爭國蟻鬪床
紛紛等是逆旅客瑣瑣都無善全策一枰袖手姑置之
何暇為渠分黑白君方高詠明燈前我亦醉吟冰雪眠
兩篇一意取自恣不拾零星路傍翠鐵槍半段試相當
我用何妨時所棄

題梅雪坪小照

才名應不讓都官心在青松白石間直是相看兩不厭

對君兼對敬亭山

梅宣城人故云

西厓自編修改授刑垣三首

君本澹蕩人通籍久華密蓬山坐無事十日九移疾吾
嘗從之遊仵仵勤著述門無閒造請庭有好風日本分

分莫踰讀書初願畢俄聞改言路諫草煩史筆官雖號
拾遺袞職少缺失功名况時至建白非預必珍重千鈞
機寧為廳鼠發

臺省初授官半由庶吉士朝廷破成例簡卑出久次同
館復同年六人遂居四和鳴自鸞鳳肯作鷹鷂鷲司空
城旦書儒者通大意方當覘經術夙抱豈初試

事外易持議引喙多激昂設身處局中唯阿無一長其
或好生風沾名事矜張快心挾盛氣一往不自量斟酌
二者間得失恒相當語默固有道因時蹈其常先生熟
古今茲理固細詳芻蕘述所見幸恕狂言狂

陳六謙出示漢唐以來諸石刻同張超然林吉

敬業堂詩集卷二十七

九

人朱北山項霜田家潤木分韻得氣字

吾黨陳髯老可畏書法縱橫今米芾平生致此蓋有由
嗜古津津飫餘味南遊北宦三十載所至窮探自娛慰
尊彝欵識拓商周篆隸銘詞藏漢魏源流了了溯河漢
清濁離離判涇渭神專志篤物斯聚鉞罄囊空窮肯諱
問君貪得母已奢借客旁觀似無謂髯雖不富亦自笑
補綴叢殘寧有既老夫昨獲薛稷書宋搨唐碑傳果毅
余近得果毅都尉李
汪墓銘六謙極歎賞手撫指畫弗忍釋累爾垂涎發深

啣君家墨妙堆古香片紙何堪追髻髯人間散軼知何
限架上搜羅嘆猶未不如各守不貪寶但過金銀粗識
氣明窗小几零丁帖斜日空庭紅紫丹童子烹茶客未

歸松風正瀉濤聲沸

淮南宗射陵先生及陸太君八十雙壽詩

海上蓬山山外天老人高竝婺星懸鹿車對挽原偕隱

鳩杖同扶又十年綵袖兒曹雙白髻謂穉恭孝廉紫薇家世

一青檀滄桑眼見尋常事我識淮南地是仙

為楊次也題周兼畫

秋光澹於水秋水澹於人臙脂何處著一點在朱唇誰
識淺深意畫時良苦辛

題高巽亭怡園

我愛高家好兄弟才名標格兩爭奇他年離別知不免
記取對床聽雨時

敬業堂詩集卷二十七

十

題江陰周氏女郎設色草花

野花最好是無名纖手親煩點染成吹得蜂腰比人瘦
東風輕薄可憐生

荊州兄移寓懶眠衎衎籬落林亭頗饒幽致留
余過夏歸計未成三章遣興并索西厓西齋共
和之

且喜全家任帝都未應回首憶江湖燕辭舊社三年主
鴉乳新巢四月雛旁舍幾楹通曲折輕紗一障隔模糊
君看膝上王文度也愛將車入畫圖

位置槎柯犖确間庭除小步得躋攀心如井底無波水
雲肖城頭沒骨山三徑未成聊寄跡一枝暫息好乘閒

難拋載酒聯吟伴或恐花時費往還

兩株嘉樹賦婆娑老愛流光靜裏過淡入茶煙新月上
濃交暮局綠陰多葉聲欵枕瀟瀟雨簾影搖窗瑟瑟波
莫遣詩成傳好事和章祇許共羊何

戲題禹鴻臚八賢圖次韓慕廬先生原韻

萬竈燒松傾漆斛輕薄紛紛畫不足一翁高坐稱瞽師
七子團團列無目然雖無目耳未聾十事傳聞九捧腹
牛頭馬脯開屠肆雌霓入聲雄虹爭捲握鼎彝真贗兩詆
棋奩軸成虧互翻覆得之隋掌快呈珠失者周閑嗟喪
驟用樊南集中語何如混沌初不鑿大璞全真方是玉可憐多
少不盲人白日光中銜螢燭出晉書劉頊傳

敬業堂詩集卷二十七

士

題西齋圖二首圖為王石谷作

何計能寬索米愁一官倉庾也風流畫圖酷愛王摩詰
詩味澹如蘓密州東坡集中西齋詩密州所
作西漢以為黃州非也世事飽諳

殊少味人生閒處直須偷某丘某水依稀似留向歸時
指釣游

買書分俸論千卷種樹成陰待十年借問膠西富桑棗
何如潁尾長風煙天生才士定多癖君與此圖皆可傳
獨有吾詩真被壑更無一句敵坡仙

苦雨六章

暑雨不當怨早滂各有時我無螻蟻營趨避將何之屋
漏苦見迫一床亦頻移昏昏醉夢間起坐渾如癡亂蛙

強多事叫跳無停機

蛙黽日以親人跡日以疎他鄉惟兩弟彼此仍索居

尹德

寓米市潤木在椿樹衛衛

乾鵲不報晴扣門得家書苦言蠶麥損正

值積勞餘寧知京洛間我亦幾為魚誰能裹飯往好友

或念余

得家書

我友鄰巷居隔絕異鄉縣六街發暴漲南北天塹限心

知騎驢危不及挂帆便衝泥欲過之邂逅不得間却歸

閉門坐猛雨聲連旦殘燈如溼螢耿耿樓几案燈明諒

何益吾老眼已暗

答西

眼昏晝如夜拓窗候晴暉重雲有時開晨光乍熹微陽

烏方洗翅黯黹潛炎威矧乃燕雀曹羽短焉能飛江河

敬業堂詩集卷二十七

七

如可越與爾將同歸

黃水欲逆行清淮助流惡司空非一禹出使半臺閣似

聞水鄉民汎汎鷗鳧若野人好奇計稍稍試疏淪中庭

地勢窪狽以鄰為壑下流靡所放鹵莽費開鑿天心吾

錯料靜待溝澮涸

皇天乃好雨一月月離畢太白方經天浮雲為深匿星

躔暗中度休咎徵兩失井塌槐殞花墻傾棗垂實待茲

晴景換秋序向蕭瑟莫怪野夫詩候蟲同一律

立秋日喜霽同九恒早過西厓是夕再同九恒

西厓飲康飴寓用立秋二字各賦二首

呼羣起我早赴約如請急逢君下直歸竟坐不暇揖檐

飛報晴鵲袖出苦雨什日薄風進涼林深氣流溼竹尾
亦儵然清如小童立浮生知幾見佳節豈頻集官况尚
空閒旅懷何汲汲蕤鱸殊有味歸去吾猶及後二日余將出都
去歲秋大雨湖洪發龍湫尋君湖上莊風燈颭漁舟得
官豈不好坐失家山遊居鄰湯給事耶舍相綢繆落魄
兩酒徒無端竝淹留汲井濯我足呼酒澆我喉舉頭見
秋河大火方西流流光遽如許不醉當何求

自中元前出都舟行無詩八月初三夜渡黃河
偶爾得句索同年徐貢瑤和

坼塌河身潤茫茫失舊灘遙天挂新月一棹下奔湍老
去才疑盡窮歸興易闌詩成聊撥觸堅壁莫旁觀

敬業堂詩集卷二十七

一三

送女詞二首

九月十三日再入都作

嫁女事瑣屑老翁非所知母在當汝憐母没行告誰遙
遙三千里閨閣從此離兄嫂送及門慰情多好辭勸之
勿令哭我淚反交頤

老來百念空久識身如寄胡為未能割身外憐幼穉失
母父向慈家貧滿餘媿長途挈之往既嫁直如棄皇天
勞吾生遣累當以次笑指五岳期猶需十年事時元忌尚未聘

秋杪重至王家營次楊次也薛聞韻

十日征程滯故鄉大河西北又嚴寒千家轉徙留三戶
萬柳榮枯在一霜斷坼無橋頻待渡涸沙有犢尚犁荒
驚心八月歸舟路夜下蘓荷百里黃

治河語

六壩塞春水溢六壩開秋水來水深河大官方高卧其一
淮之土蒲葵蘆淮之民獮獮魚刈蘆作帚魚作飯努力
與官高築堰其二一石水五斗泥濁流下灌清江低不望
黃河清但願倒流直向崑崙西其三四亦刷黃淮亦刷黃
清流一綫河中央四天生吾民水忍戕之以水治水惟
天子命之五其

即日

水落漁翁結網初只貪竭澤肯留餘鷓鴣鷓鴣且羣避
勿與此翁爭此魚

霜殺草

敬業堂詩集卷二十七

十四

嚴霜能殺草冬日旋殺霜相殺無已時生理終不傷衰
氣赴積陰先機兆微陽君看勾萌意松柏同一岡

旅舍落一齒自嘲二首

毀理生時具太剛焉得完平生無大嚼到此亦凋殘舌
在柔何益唇亡想更寒長途憐弱女苦口勸加餐沈石田齒

痛詩勸餐兒女不知難

不為窺鄰婦何曾玷薦賢春冰消最易病葉墮長先已
落誰復顧餘存寧久堅自慙輸老馬數齒減衰年

白楊

白楊生古墓墓古鴉亦老當風叫空巢敗葉棲眾草方
當托高蔭豈意守枯槁嗟彼種樹人悟機乃不蚤

德州道上咏霧淞花

霧隱孤城去轉遙，曉程十里愛瓊瑤。冰聲策策初疑葉，雪片離離盡綴條。纖指亂垂絃下柱，折釵爭墮舞時腰。最憐頃刻同開謝，只費三竿日便消。

景州董子祠

西風殘照廣川城，董相祠邊感慨生。官秩稍增秦博士，文章獨闢漢西京。醇儒豈以科名重，濁世無如經術輕。却笑武皇親制策，牧羊牧豕盡公卿。

大風商家林待渡

波濤動我前朔野，何汪洋行行忽迷路。欲渡川無梁，老馬徘徊鳴北風。寒且僵，輕冰拆，沮洳澹日沉輝光。平生

敬業堂詩集卷二十七

五

湖海遊汗漫，殊未央。禦窮不有命，試以一葦杭。隔河見人家，煙火靄漁莊。苦辛脫彼岸，樂踰還故鄉。問途倉卒間，夷險豈有常。明朝難逆料，聊復索酒嘗。

奉題阮亭先生倚杖圖

誰與先生貌，一丘柴門以外即滄洲。殘霞紅上鯉魚尾，遠水碧於雄鴨頭。風定垂垂綠楊影，雨餘咽咽涼蟬秋。幾時真裹幅巾去，容我來隨杖履遊。

除夕過西厓齋西厓與梅人赤孖方分韻賦詩

余以事先行續和一首

老來驚節序，除夕倍相關。官舍靜無事，旅人猶未閒。鏡中無黑髮，枕上有青山。頗怪京華道，一年三往還。
予今年正

月入都七月南
歸十月再至

敬業堂詩集卷二十七



敬業堂詩集卷二十七

六

